


2429.

4 diete



Bibl Jag

ORATIO
DE INUNDATI-
onibus, inprimis illâ,
quæ Anno M. DC. LI.
post Vernum Æquinoctium
circa Elbingam in Prusfiâ
contigit.

Excusa. ELBINGÆ, Typis CORELLIANIS.
ANNO M, DC. LI.

ORATIO
DE INIUNDA

omnibus: optimis illis
per Antonium
post Verum Antonium
circa Libanum, in Prussia

585480

IMPRESSIO CORRECTIONIS
I



MAGNIFICI PRÆCONSULES,
CONSULES AMPLISSIMI,
Vosq; Cæteri omnium Ordinum Audi-
tores longè gratissimi.



Itam hominum cœle-
ste Numen non angustis tan-
tùm terminis circumscri-
ptam, sed & multis mutati-
onibus obnoxiam esse, mini-
mèq; eodem rerum secunda-
rum adversarumvè tenore
defluere voluit. Alternis eam fortunæ vicibus mi-
scuit, & ceu navem in alto velificantem, nunc læ-
to cursu ac velut ventis ferentibus invehî; nunc
inter sæva tempestatum fluctuare jussit. Iam natu-
ræ quidem nostræ si standum esset arbitrio, magis
utiq; ei immota & continua placeret felicitas. Si
tamen rem introspeciamus rectiùs, benè illi con-
sultitur hâc variantium successuum mixturâ. Nam
perpetuo prosperitatis fluxu facilè in defidiam, lu-
xum, superbiam, solveremur; malis verò sine in-

A

terstitio

terstitio dato incumbentibus non sufficeremus tandem mortales. Quippè ut lascivire inter fortunæ jugiter quasi adulantis obsequia imbecillitas humana solet: ita frangitur eadem, ubi cum duris assiduo colliditur. Cæterum cum utriq; sorti obnoxios nos fecerit Divina potestas, adversus utrumq; etiam excubare, & certis fulcris subsidisq; succinctos stare nos voluit munitosq;. Ac in secundis quidem tanto cautiores nos esse jussit, quò magis in ijs nos nobis sapè permittit; satis scilicet benignè agere visa, quòd felicitatem largita, rectum duntaxat usum ejus à nobis exegit. Quòd si ergò tum nec ipsimet satis advigilamus nobis, nec divinam ritè advocamus custodiam atq; opem, non possumus utiq; nisi titubare in illo lubrico prosperitatis. Mentis enim ipsæ plerumq; obruuntur soporanturq; rebus ad votum fluentibus; & inebriamur facillimè homines illo quasi mero continuæ, ac acerbitate nullà interpellatæ voluptatis. O quanto salubrior hæc est, cum diluitur, cum acor ei aliquis intermiscetur! Quòd si fati indulgentia durius quid nolit interponere, saltem metum mutationis addi utile est felicitati. Minus quisq; insolescet bonis suis, cum facilè perdi ea posse, subindè meminerit. Et si mutatio ingruat, facilius à se dimittet, quæ

quæ non aliter, quàm ut dimittenda, semper habuit: quibusq; aded nunquam animum affixit. Mollius cadit, qui ad casum se præparavit. At tristis est eorum ruina, quos non opinantes oppressit. Gravis accidit infelicitas, cum accidit inexpectata. Vix solatio locus est, cum ijs tergum fortuna obvertit, qui non nisi lætæ ejus faciei insuevêre; contremiscunt mutatâ illâ, quibus mutabilem esse, pensi non fuit. Molestâ deinde talibus est prioris fortunæ recordatio: mallent propè nunquam fuisse felices, ne esse desiissent: mallent letheo aliquo poculo oblivionem sibi pristinæ felicitatis inducere posse. At qui contra bonis malisq; rebus exerciti in alterutrâ fortunâ utramq; cogitârunt, immoti stant, quæcumq; experiantur: virescunt vel in ipsis calamitatibus, inter ruinas suas erigunt se spe meliorum; & cum emersere, tanto impensius gaudent, & illis perpetuò felicibus longè hilariores, Ipsas quas pertulêre misérias vertunt sibi in lætitiæ argumentum. Est enim dulcis profectò actorum laborum recordatio. Iucundum est meminisse, quæ durum fuit pati. Nunquam sincerius gaudet nauta, quàm ubi scisso velo & hauriente jam undas nave portum obtinuit. Nunquam lætius exul-

tat miles, quàm cum ex densissimis jaculorum
nimbis integer evasit. Hilaris sanè tum sudo-
rem deterget, lætus pulverem excutit, exultans
telorum ictus, quos exceptit, enumerat. Non fuit
illi tam gravis periculorum, cum incumberent,
sensus, quàm nunc dulcis est eorum, cum tran-
sière, memoria. Tanti ei esse gaudium, quod
percipit, videtur, ut id vili sibi emisse putet,
etiam cum carissimè emit. Ita calamitate sibi
suà placet; hæc & læticiæ illi ingens stimulus
est, & facundiæ fœcunda materies. Luben-
ter enim loquimur non ea tantùm, quæ egimus,
sed etiam, quæ passi sumus: & excusatiùs hæc,
quàm illa; quòd illa invidiam, hæc miseratio-
nem accendunt: illis obrui, his instrui se cre-
dunt, qui audiunt. Sed & DEO debitum officium
est, hilari mente recolere pericula, è quibus
quisq; benignitate illius servatus sit. Ingratus
est, qui hìc tacet; malè æstimat beneficium, quo
non lætatur. Quin relinqui in miseriam dignus
fuit, qui ereptus non molitur gratias. Qua-
propter nobis nunc nemo vertet vitio; si gau-
demus, quanquam nondum calamitate, tamen
periculo defuncti: Si & DEO, qui superare
nos discrimen voluit, & volet porrò, ut spera-
mus, jacturam superare, grates exsolvimus.
Quod

Quod quò quisq; secum & alacrius & uberius faciat, age mali nostri, quantum ejus hæctenus intelligere nobis contigit, historiam adumbratione qualicunq; oculis subjjciamus: porroq; hinc velut impetu sumpto, in hoc inundationum æquor paulò altius invehamur; ac quæ de iis veteres recentesq; historiæ suggerunt, compendio promamus.

Magni maris fluviorumq; is est genius, ut accolas suos ingentibus plerumq; & commodis maectent, & incommodis. Ex illis enim agri fœcundum humorem hauriunt, ex illis piscium copia, ex illis pascuorum ubertas, & hinc porò largus lacticiniorum redundat proventus. Deniq;, quod potissimum & ad publicam utilitatem fructuosissimum habetur, hæc commerciorum instrumenta sunt: his invehitur aliundè, si quid terræ cuiquam deest, his evehitur, si quid superest. Hinc ferè locupletissimas provinciarum, hinc & Vrbes frequentatissimas illas videmus, quæ mari fluminibusvè adsitæ, aut ab ijs non longè remotæ sunt. Rariùs sanè emergunt, quibus ejusmodi aquarum opportunitates non contigère. Enimverò uti magna sunt emolumenta, quibus aquæ beant terras; ita ingentibus quoq; eadem detrimentis mulctant, ubi

præscriptos à naturâ terminos egrediuntur. Cujus rei, si uspiam alias, hoc certè tempore conspicua & luctuosa maximè Europa nostra habuit experimenta. Nulla propè Provincia est, ubi non aut littora sua Oceanus, aut ripas flumina maximo cum accolarum damno excesserint. Queritur Italia non Tyberis tantùm sui aut Padi eluvia; sed & Insulam integram pelago absorptam dolet, Gallia Sequanam, Germania Danubium, Rhenum, Albim, ripis suis violentissimè effusos vidit. Belgium revulsa Oceani claustra sensit, & agris, quos magno multorum annorum molimine exsiccaverat, vi tempestatum demersis ingemiscit. Cum sic potentissimas Europæ regiones pervagata esset hæc Calamitas, nostras quoq; oras tandem corripuit. Prælusère huic malo æstate superiori, Poloniae flumina: nam & tum locis compluribus vi inexpectatâ se injecerant. Sed minæ illæ fuère majoris mali. Immanior longè tempestas est, quæ nunc terris hisce incubuit. Neq; enim illos tantùm fundos aquæ oppressère, in quarum apertum depressumvè solum jus quasi quoddam suum illæ habent exercentq; sed scilicet ingentes aggeres, & immanes molium obices dejecère. Luctuosa admodum atq; acerba sunt,

funt, quæ de factâ circa Thorunium, Grudentum, Mariæverderam, ingente hominum, pecudum, domuum, villarumq; strage tristis fama jam pridem memorat nobis. Sed & famam anteivit, & parùm creditam firmavit ipse fluvius, cum plurima ex illis locis quasi spolia abrepta in viciniam nostram turgente detulit tergo; & hic illic littoribus impegit. Aliquos hominum crustis glacialibus vectos, & tandem submersos, aliquos etiam casu mirabili ad ripam vivos expositos accepimus. Verùm edita illis in locis aquarum facinora nondum nos hîc accurate scimus; & nihil dum omninò de illis inaudieramus, cum ipsos nos quoq; diram benefici alioquin fluminis vim sentire inclemens & iratum flagitijs nostris cœlum voluit. Paucis abhinc, ut nostis, passuum millibus Vistula, nobilis ille Sarmatiæ nostræ Pactolus, & multarum Orbis partium nutritius, in duos amnes dividitur; quorum alter binis iterum brachijs dispertitus, lævo Gedanum, nobilissimum Septentrionis Emporium; dextro Neringam Gedanensium Insulam præterfluit: alter Nogathi (quasi pedis) assumpto nomine Mariæburgum & Elbingæ huic nostræ subjectos agros prætervectus, à Lacu, maris Balthici vestibulo, exsorbetur. Uterq; amnis
alveum

alveum suum egressus, circumcirca vastissimam,
accipiendisq; aquis valdè acclivem, quippe to-
tam olim, ut traditur, mari occupatam planitiem,
ad ipsos usq;, qui ex utroq; latere imminent,
montes, infræni licentiâ inundare consueverat;
donec magnorum objectu aggerum cohiberetur.
Hos uti ductu multiplice, impendijs sanè maxi-
mis, labor incolarum longè extendit; ita curâ
ac sollicitudine non modicâ tuetur idem ac con-
servat. Subindè enim cum his obstaculis lucta-
tur fluvius, & libertatem suam ejusmodi velut
vinculis constringi indignatus, mordet frænos,
& partim subedit arroditq; vi occultâ; partim,
impetu undarum tentat obstantes moles; inpri-
mis, ubi nivium liqvatarum, aut ruentium de
montibus imbrium torrentiumvè accessu super-
bior incessit. Ad eum modum invasit ille nu-
perrimè subjectum Mariæburgensi ditioni, nobis
verò vicinum aggerem, & non procul à Traje-
ctu, qui Clementis vulgò vocatur, perrupit, ac
quod dicere mens refugit, dejecit magnam ejus
partem. Hac se ingens aquarum vis in agros,
quibus vallum scilicet ac propugnaculum suum
perierat, infudit, agricolarum proximis, quibus
ea aggeris pars sublestior semper & periculo ma-
gis obnoxia visa est, aliquandiu equidem cespi-
tum

tum, moliumq; aggestu, aqvas altitudine, impetu, glacie formidabiles avertere (an eo, quo decebat, numero, viderint ipsi) conatis. Sed cum vincere humanam industriam indomitum fluminis robur videretur, deferere illi tentatam frustra tutelam, sibiq; consulere necesse habuerunt, ne juxta cum aggere perirent. Vespera igitur, quæ vigesimam septimam Martij diem antecedebat, appetente, domum se illi, re, cui impares essent, fato commissâ, quàm quisq; posset celerrimè recepere, aqvas mox secuturas tristi omnes animo vultuq; respectantes. Quæ & paulò post incredibili cum fremitu irrupere; & tum aggerem ipsum evictum, tum ingentem vim glaciei vehentes, proxima camporum in ijsq; villas & pagos brevi temporis intervallo compleverunt. Multos securos, alios non securos quidem, sed quid facerent, ac quomodo sibi consulerent, ignaros deprehendit calamitas. Nullus omnibus tutior aut expeditior videbatur receptus, quàm ut in summa ædium confugerent. Quò & illicò se & quicquid corripere possent, subduxere. Multis ad evadendum discrimine tantillum quidem temporis datum est, quantum ad solvendum à præsepi jumentum requiretur. Unde postea equi juxta cum præsepibus

natare visi sunt : & plurimæ boves circa præsepe
suum exanimatæ jacuere. Quosdam agrestium ,
cùm ædes suas integras aquæ impetu provolvi
sentirent , crustis glacialibus se committere ne-
cessitas subegit. Quos à tam fragili & pericu-
loso vehiculo vix demum proximorum contos
lembosq; suppeditantium , miseratio liberavit.
Certè adhuc inter manus Chirurgicas versantur ,
quibus tristi ejusmodi vehiculo insidentibus ali-
arum insipientium crustarum pondus ac violen-
tia miserrimis modis corpus concussit. Nobis
in Urbem nocte propè concubiâ primus rupti
aggeris allatus est nuncius ; & simul mox , quæ
nunciorum ferè celeritatem æqvabant , undæ
præfultrices advolvebantur. Illicò & hominum,
pecora sua in urbem agentium apparebat mul-
titude. In Urbe Cives de agris prædijsq; suis
solliciti prospectabant illinc suos , alij , simul ut
diluxerat , obviam ijs ibant mittebantvè. Inte-
rim alluens Urbem fluvius intumescebat magis
ac magis : simul aquæ è Nogatho irruentes per
aperta camporum latius latiusq; extendebantur ;
donec die altero tertiovè omnem circumjacen-
tem planitiem , vastam sanè & quæ bidui iti-
nere vix possit ambiri , undiqvaq; operuere. Ita
ut postea de moenibus prospicientes novum no-
bis

bis Oceanum videremur intueri. Rusticæ domus nonnisi summis ferè culminibus extrà undas emicabant. Quæ in altius fastigium eductæ erant, vix mediâ sui parte tutæ, quâ maximè hæctenus habitatæ fuerant, irruentes jam omnibus ostijs & rimis hauserunt aqvas. Et in earum tamen supremis tabulatis passim ferè patres-familiarum cum suis hærebant, aqvis undiq; circumsonantibus cincti, pascuorum, segetum, horreorum, supellectilium, ædium pessundatarum tristes spectatores; inter infantium ejulatûs, faminarum lamenta, armentorum sub iisdem cum hero tignis stabulantium boâtûs, altè ducentes suspiria, & eadem hæc, ne cœteris teneioribus dolorem augerent, identidem etiam intra se devorantes. Ne quid malorum deesset, aër insuper asperrimâ inhorruerat facie; nivium desuper præcipitantium densitate cœli propè conspectum auferente, & ventis porrò miseros illos in summis ædibus sine foco agentes acerbè flagellantibus. Multis etiam super aëris & aqvæ tristes susurros, internum tandem stomachi atq; intestinorum murmur ac latratum fames, quæ in frigido habitantibus plerumq; acrior est, ciebat. Haud paucis enim non vacaverat in tam subito discrimine alimenta, qui-

bus se & familiam satiarent, sub ædium culmen deportare. In nonnullorum etiam domibus parum panis vel cibi parati reppererat calamitas, quia inexpectata scilicet & de futuro parum sollicitis, de plagâ utiq; tali minimum cogitantibus supervenerat. Unde postea, cum protraheretur malum, grandius ferè ab inopiâ victus quàm ab aquis ipsis fuerat periculum, nisi providâ Amplissimi Magistratus curâ, alimenta ijs fuissent submissa. Sed is scilicet, quanquam, crescentibus in horas undis, & jam Urbis magis magisque insultantibus, satis habebat, ubi curas distringeret, non Urbis tamen hujus pomærijs cludi sollicitudinem suam passus est. Longius misit oculos, & ad miseros illos ruricolos, tametsi multis aquis & velut mari quodam disclusos, propitias manus extendit. Ejus jussu ibant assidue lembi variæ magnitudinis, egentibus præsidia vitæ ferentes, iidemq; redeuntes, plurimos hominum, quibus aquæ circumstagnantes terrori aut fastidio erant, (nam aliqui etiam sponte istuc mansere) in Urbem devehebant. Multos dies triste hoc advenientium nos hic tenuit spectaculum. Hic illic varij generis, omnisq; ætatis hominum, brutorumq; miserabile exponebatur agmen. Inter alia puerperæ adductæ sunt, quibus

quibus sub hanc ipsam tempestatem, importunum profectò pariendi tempus, onus suum deponere contigerat. Navigandum tum infelicibus istis sub Iove frigidò fuit, cum vix partus doloribus solutæ essent, navigandum infantibus, cum vix secundinas suas rupissent. Incolumes nihilominus huc venere, & quanquam parum delicatis tum exceptæ fomentis matres, tamen cum foetibus suis, qui hic postea sacri fontis aquâ abluti sunt, superstites vivunt: & duplex scilicet discrimen, DEO dante, eluctatas se gaudent, nobis documento existentes, quantum homines, etiam imbellis sequiorisq; sexûs ferre possint, cum necessitas exuere mollitiem jubet.

Coeterum servandæ quidem, ut diximus, hominum vitæ, ferendoq; , prout res exigeret, auxilio, non de die tantum, sed distributis inter se operis, noctu etiam excubabat Amplissimus Magistratus. At prolixæ ejus sollicitudini non suppetebat par copia cymbarum. Tanta servandorum multitudo erat, ut minimè ei responderet numerus, quanquam non modicus aderat, navigiorum. Unde ingens subindè circa ista conspeximus certamen. Prece, pretio, sæpè & convicio pugnabatur, dum quisq; se & sua, ut fieri

B 3

solet,

solet, præhaberi cupit alienis. Stabant ubiq; ad portas, qui vel cognatos, vel amicos in agris eluvione obrutis habebant, suspirantes, & opem nequicquam cupientes ferre.

Vidimus aliquos, qui cum trajecissent ipsi, propè optabant non trajecisse, nisi quæ domi reliquissent, in Urbem pariter viderent delata. Horum gemitus, & lacrymas, acuebat hinc vecturæ penuria aut caritas, inde augescens aquarum tumor. Multi enim elabebantur dies, quibus illæ non minui, sed majoribus incrementis attolli visæ sunt. Et maximè versùs Urbem ipsam ferebatur undarum impetus; partim pronò illas huc invitante solo, partim ventis etiam propellentibus. Et huc non aquæ tantum omnis vis, sed & crustarum glacialium pondera ceu tormenta quædam vel arietes illidebantur. Omni illi violentiæ receptaculum dabat fluvius noster, qui alioquin mitis admodum & propè ad segnitiam usq; lenis, exuebat tum naturam & præcipiti alienæ rruentis aquæ rapiditate, celer fiebat. Inflabatur verò eò usq;, ut ripas tandem suas longè supergrederetur, portas ipsas invaderet, cellasq; Urbis impleret, alicubi & vallum sollicitaret, inprimis verò bina civitatis suburbia occuparet, & ex ijs incolas expelleret. Pontis porrò
funda-

fundamenta crustarum, quas vehebat, appulſu
quaffare: Granarijs deniq; Urbis infundere ſe,
& poſt eneſtam in agris inundatione iſtâ ſege-
tum ſpem, domi etiam parata victûs adminicu-
la attentare cœperat. Ingruenti malo ibatur
obviam tûm Ampliſſimi Magiſtratûs curâ con-
ſilioq; , tûm operâ civium, quantum fieri un-
quam poterat. Erat enim, ubi ſuperanti cala-
mitati manus dare cogebantur humanæ vires.
Et majora longè mala præcipiebant animis me-
tuendaq; civitati affirmabant prudentes; ſi Nu-
minis ira porrò pergeret ſævire. Si enim ventus
â Septentrione inſonuiſſet, qui fluminis curſum
in Urbem reflexurus erat, ingens & inſuperabile
Urbi imminere diſcrimen judicabatur. Hinc
tantò magis illa etiam quæſita ſubſidia, quibus
in humanæ imbecillitatis levamen cœleſtis cle-
mentia ſolet advocari, Preces ſcilicet ſupplica-
tionesq; tûm privata, tûm publica. In quibus
cùm crimina deplorarentur, quibus non hanc
tantum, ſed & majorem poenam meritos nos
conſitebamur, orabatur ſimul Divinum Numen,
ut modum poneret iræ ſuæ, nec iſtas ſaltem ma-
jorum cladum minas erumpere ſineret in effe-
ctum. Audivit cœlum ſuſpiria & gemitus, &
nihil porrò triſtius aquarum ferociæ in nos per-
miſit.

misit. Temperavit ventos, ut tum non tantum, unde ipsi vellemus, sed & nonnisi benigno flatu spirarent. Aëri mitiorem induit habitum; ut saltem desuper nihil adeò adversum experirentur, qui circa se omnia inimica videbant. Vnde minore noxâ se & sua in Urbem trajiciebant, qui hæctenus sub ipsis domuum suarum tectis adhuc hæserant. Atq; aquæ ipsæ, cum antea maximam partem versus hæc mœnia venissent præcipites, jam porrò alijs quoq; infra Urbem vijs, vento favente, in flumen & deinceps in lacum exonerabantur. Qui, quod mirum dictu est, totus adhuc glacie opertus stabat; duplex nobis periculum minans, ut aut aqvas non reciperet, aut glaciem tam suam, quam aliunde, atq; hinc etiam, demissam, vento impulsore, ad nos remitteret. Sed & hoc utrumq; malum, DEO dante, evitavimus. Nam & lacus, quamvis durum tegmen serò exueret, tamen sub tegmen etiam illud recepit aqvas; & glacies ipsa suo tempore fracta, aversoq; hinc cursu aliò delapsa, citrà noxam imò & sensum nostrum contabuit. Cœterùm Vistula fluvius, præcipitantibus tum adhuc è Poloniâ aqvis, diu etiamnum alveis suis omnibus prætumidus ferebatur, & per factam aggeris lacunam plurimum aqvarum ad nos continuò

tinuò usq; urgebat. Unde, tamen non jam porrò
 altiùs efferretur eluvies, non tamen etiam nisi len-
 tissimo subsidebat decremento: ita ut nec dum
 suburbia nostra à molestissimo hospite se possint
 expedire. In agris verò, quanquam exutà priore
 ferocià, stagnant tamen adhuc aquæ, & quantum
 conjici potest, multo sole & longâ temporis mo-
 rà opus erit, antequam tanta vis aquarum exhau-
 riatur. Nihilominus agrestium nonnullis se & pe-
 cus suam hinc in tuguria domosq; quantumvis
 aquâ adhuc undiq; circumfusas imò obseffas
 transportare, visum est: pabuli audio causâ; quod
 in Urbem identidem vehere cum tædeat, malu-
 ère jumenta denuò illuc, unde vix semel, nec si-
 ne multo labore demiserant, sub ædium scilicet
 tecta attollere, quò in eodem cum pabulo loco
 sint, vecturæq; adeò fiat compendium. Quod

multis dissuadentibus factum utinam ne magno
 illis cedat infortunio! Ventorum equidem ludi-
 brijs exposuere se illi, qui his proximis diebus
 *præter modum moremq; violenti, in salo hoc
 nostro immanes cum dederint fluctus, ne multas
 domos prouerint, jure metuimus: certè multis
 periculum, omnibus ingentem metum attulere.

* 4. 25. A-
 pril. atro-
 cissimè hi
 venti de-
 prælia-
 bantur,
 27. autem
 April. ha-
 bira est

Coeterum damnorum, quæ hæc eluvione fa-
 cta sunt, nolo ego nec quæ inire calculum.

Oratio
 hæc, cum
 integro
 ante men-
 se inun-
 datio cœ-
 pissæt.

C

Neq;

Neq; fortè rectius illa æstimaverimus, quàm si æstimari non posse dicamus. Et certè verissimum est, nec dum ipsos nos satis capere jacturam nostram. Lento demùm sensu intelligetur: & tum se deniq; cladis hujus magnitudo aperiet, cum quæ nunc conjuncta & confusa uno velut obtutu & attonitis adhuc stupore oculis tramittimus, membratim & per partes secuturi dies magis magisq; explicabunt. Equidem qui nuper ab Amplissimo Senatu, Præconsul & Consules, Viri sanè gravissimi, ad lustrandam calamitatis hujus faciem missi sunt, multum dolenda & miseranda nobis omnia referunt: & nec satis se exprimere posse miseriæ, quàm vidère, magnitudinem fatentur. Ivère hinc per arva prius segetibus vel pascuis lætissima, & quæ vomis ante ducebatur, quæ armenta, quæ greges saltitabant, hæc illos, tertiâ post primam eruptionem hebdomade, passis velis, navigium travexit. Dicam amplius, lithostrotum, seu aggerem, commoditati iter facientium lapidibus stratum, & multis cubitis supra cœteram humum eminentem, illum inquam aggerem penitus non sensit, cum trajiceret lustratorum carina. Sepimenta altissima & quæ alia ejusmodi antehac accessum ad domos villasvè prohibebant, prostrata aut aquis saltem operata,
ne

ne visabantur quidem. Ferebantur delegati per
Campestre illud æquor nihilo secius, quàm si in
vero aliquo mari navigarent. Raptabant jacta-
bantque; navigium venti, tollebantur fluctus vehe-
mente agitatione multaque; aspergine vehentibus
molesti, imò & periculum nonnunquam minan-
tes. Prætervehebantur vacuas hominibus casas:
curatissimas nuper domos ita jam non ostijs tan-
tum, sed patulis undique; lateribus pervias vide-
bant, ut cymba undique; adiri, atque; etiam subiri
possent. Quicquid laterum coctorum, more hujus
terræ, parietibus intersertum erat, aqua subluerat
dirueratque. Horrea fluctibus tecto tenus propè
immersa multos gemitus præternavigantibus ci-
ebant, cum cogitarent, quanta frugum copia,
quàm multa in hoc annonæ incendio necessaria
admodum alimenta inter illos parietes natarent
putrescerentque. Iam quot cadavera pecudum
suffocatarum obvia habuere? quanti illorum
acervi ad tuguria, vel extantes alicubi altioris
terræ tumulos obhæserant, fatidi jam, & aërem
insufficientes? quàm multa talia stabulis adhuc su-
is alligata circa præsepe suum, sed nullius jam pa-
buli indiga, visa sunt fluitare? Accessere ijdem
lustratores molem, cujus labe vitioque; omnis ista

calamitas terris his illata est. Videre illum
omnis oræ hujus custodem aggerem immani
quasi vulnere hiantem. Videre ejus velut artus
magni ponderis, miserè dispersos & circumsonan-
tibus undiq; aquis hic illic interjectos. Videre
fluvium ipsum mutasse cursum quodammodo, &
nuscquam violentius ferri, quam illâ viâ, illo me-
atu, quem sibi, perruptis remoris omnibus, ad
nos aperuit. Videre hominem, qui ex Poloniâ ve-
niens, secundo flumine istud præceps parvâ cym-
bâ prætervehi laborabat, diu multumq; luctantem
cum aquarum impetu, cum hic illum invitum &
omnes vires contra experientem à rectâ & usi-
tatâ viâ in hiatum hunc abripere conaretur. Et
eodem propè tempore alios, qui multis ratibus
seu schedijs connexis merces vehebant eandemq;
quam ille, viam insistere certabant, exsuperans
fluminis vis unâ cum mercibus suis in Urbem
nostram devexit. Qui jam sub mœnibus nostris
stantes mirantur insolitam viam, quâ venere, &
civibus nostris, qui nunquam simile quid videre,
inuitato sunt spectaculo. Cœterum à fun-
nestâ illâ lacunâ progressi lustratores videre ali-
bi similis & propè majoris hiatûs imminens dis-
crimen. Videre locum, ubi aggerem denuò sedi-
per cuniculos molitur flumen; ubi & magnam
ejus.

ejus partem jam subruit; adeò ut infisti jam ag-
geri citrà terrorem vix possit. Desudat istic
continuus agricolarum labor, ut auxilium affe-
ratur, & nova fulera dentur novam his terris rui-
nam minanti loco. Nos DEO supplicamus, ut ipse
consilium viresq; suppediret laborantibus. Ille
est enim, qvi frena rerum omnium & naturæ to-
tius versat tractatq; pro libitu suo. Ille coërce-
re aquarum impetus potest, ille emittere cùm
ei placuit. Unde & hujus, quam nunc patimur
querimurq;, eluvionis primus fons non alibi,
quam in coelis quærendus est nobis. Manus Di-
vina est, à quâ ictus iste venit. Hanc agnosce-
re, hanc sentire & venerari nostrum est. Felix
nobis ipsa hæc infelicitas fiet, si eâ rectè, id est
ad animi submissionem & ad vitæ mores emen-
dandos utemur.

Luxuriarunt multi inter prolixiora faventis
fortunæ blandimenta. Abusi sunt sæpè bonis
istis, quæ terra in usum nostrum parere iusta est.
Monstrare itaq; jam voluit DEUS, quàm facile
nobis subtrahere possit illa, quibus genio delicia
fieri, quibus ventres saginari consuevère. Feli-
ces nos, si flagellantis nos DEI mentem intelli-
mus, si non perit illi in nobis poenarum suarum
fructus. Peribit verò, si nihilo meliores post fla-
gellum.

gellum fuerimus. Unde vehementius inardescet
divina indignatio, & gravioribus nos supplicijs
persequetur. Equidem nolim ego tristibus aut
incertis augurijs vel me vel alios terrere; sed so-
lent ejusmodi inundationes præludia esse alia-
rum calamitatum. Nec immeritò ad alia etiam
flumina trahi possit: quod de Tiberi Plinius:
*Vates, inquit, quodammodo intelligitur ac monitor, auctu
semper religiosus.* Et de eodem fluvio Tacitus noster:
*Præcipuus. Et cum præsentis exitio, futuri etiam pavor (erat)
subitâ inundatione Tiberis.* Sciunt rerum periti, rarò
singulas venire ejusmodi calamitates. Plerumq;
comites habent, aut pedissequas. Ut plurimum
alia aliam trudit; ut unda undam. Imò alia ex
aliâ nascitur, & fecunda plerumq; est hæc ma-
lorum lerna. Solent aquas ejusmodi bella se-
qui, solet fames, solet pestilentia. Sed nos
meliora malum ominari: & jam à calamitate
præsentis ad publicam, nec terræ tantum hujus,
sed & aliarum, nec unius aut alterius seculi, sed
& plurium, atq; etiam vetustissimorum nos con-
vertimus. Fateor verò me mali istius nostri oc-
casione in antiquitatis memoriam regressum,
quæ olim similia Orbi flagella hic illic DEus im-
miserit, vestigasse. Ac cum semel hoc mare
ingressus sum, tantâ me diluviorum atq; inun-
dationum

dationum circumdari multitudine sensi, ut retrò ferre pedem, quàm proferre putaverim satius.

Et nunc sane non effugerem fortè fastidium, si uno protelo quæ conquisita habeo, in medium producere insisterem: plura scilicet numero, & alicubi Criticis etiam excursibus latius evagantia, hic certè vel ob ipsas Authorum allegationes, haud parem apud omnes gratiam initura. Compendio itaq; nunc tantum per rerum ibo fastigia, & eorum quæ collecta in aliud tempus reservo, summa duntaxat capita brevissimè perstringam. Ac primæ quidem antiquitatis istic replicanti annales, & diluvia perscrutanti omnia, primo omnium occurrit Noachinum; cognitissimum equidem omnibus, minimè tamen in isto argumento versanti omittendum, cum nullum eo vetustius, vel certius, vel deniq; majus graviusq; reperiatur. Nullum vetustius inquam; nam id ante annos plusquam ter mille contigit, adeò ut ad id historiæ gentilium, vix ullæ pertingant, ultrà quidem nulla protendatur, præter sacram, quæ ad ipsa scilicet prima mundi incunabula se exporrigit. Doctissimus Romanorum Varro tempus id, quod Diluvium antecessit, ἀδελον seu ignotum vocat. Ita enim de illo Censorinus in libello de die Natali: Varro, inquit,

tria

tria discrimina temporum esse tradit. Primum ab hominum principio ad Cataclysmum priorem, quod propter ignorantiam ἀδηλον vocatur. Secundum à Cataclysmo priore ad Olympiadem primam, quod quia in eo multa fabulosa referuntur, μυθικόν id est fabulosum nominatur. Tertium à primâ Olympiade ad nos, quod dicitur historicum, quia in eo res gestæ veris historis recensentur: Hactenus Censorinus Non longè verò hinc abit vetus illa domus Eliæ traditio, quæ id tempus, quod à Varrone ignotum dicitur, Inane vocat: nisi quod Inani isti duo millia annorum in traditione illâ tribuantur, magnum verò Cataclysmum non nisi anni à condito mundo mille sexcenti quinquaginta sex antecesserint. Unde, ut hoc obiter addam, nonnullis temporum disputatoribus conjectura incidit, totidem annis à nato Servatore duraturum Orbem. Quod si ita est, non amplius quinquennio à fine mundi absumus, & secundum horum quidem calculum, agonizat jam rerum natura. Ego tabulas factorum, Angelis ipsis ignotas, humanis conjecturis haud temerè attrectandas arbitror, fatius esse ducens, omni die extremum rerum terminum expectare, quàm audaculis ejusmodi definitionibus suspendere animos ac ludificari.

Sed ad rem, unde digressus sum, redeo. Dixi Noachino diluvio nullum certius esse. Nam id Moses, vir, omnium nostrum, & nonnullorum etiam

etiam gentiliū confessione, divinus, non so-
lā traditione præviā, sed cœlesti inspiratione pro-
didit nobis. Et ejus vestigia qvanqvam con-
fusiora & multo additamentorum figmento-
rumq; velut sabulo oppleta apud Berosum,
Abydenum, Lucianum, Molonem, Nicolaum
Damascenum, viri docti ostendunt: sed & um-
bras ejus aliquas apud ipsos Americanos, homi-
nes omnium fingendi artificiorum rudes, super-
stites esse memorant, qui ejus gentis historiam
condidere. Nullum deniq; sacro illo majus
graviusvè fuit diluvium. Nam cum cœtera
partem aliquam Orbis, quædam & vix territo-
rium aliquod aut Oppidum, attentaverint, illud
Orbem universum pervasit merfitq; paucis dun-
taxat hominum animaliumq; servatis in spem
ac seminium reparationis. Cùm à Sacræ hi-
storix annalibus discedimus, non pauca equi-
dem alia videmus celebrari diluvia; sed duo in-
primis decantatissima sunt, ac pro maximis ven-
ditantur, Ogygium & Deucalioneum. At ut
verum fateamur, in utroq; illo sacri nostri Di-
luvij, de quo locuti sumus, lineamenta apparent:
neq; fugit illos ratio, qui sub istis mendacis
Græciæ larvis, Mosaicam Cataclysmi historiam
latere arbitrantur. **Q**uod in illâ nostrâ de Di-
Dluvij

luvijs exiguâ diatribe clarius demonstratum, hic
nolumus sub trutinam revocare. Facit porro
Ægyptij cujusdam Diluvij mentionem Diodo-
rus Siculus: sed & illud ex Noachinæ historiæ
rueribus esse accuratè demonstrat Oceanus ille
antiquitatis, Gerardus Vossius in de Gentium
Idololatriâ libro. A magno Diluvio, & cœ-
teris, quæ magni illius falsam speciem induere,
ad minora, sed notæ & fidæ satis vetustatis,
certiorisq; ad eò literarum gentilium monu-
mentis consignata, istic descendimus: initio
sumpto ab ijs, quibus Oceanus ipse terris se in-
fudit. Ubi ex Plinio & alijs catalogus strui-
tur Urbium terrarumq; quas Pelagi aquæ vel
obruerint, ne terræ amplius sint, vel Insulas fe-
cerint, cum continentes ante essent. Refer-
tur ex Ammiano Marcellino, quomodo, sub
Valente Imperatore, mare post terræ motum
fluctibus retrò evolutis longè recesserit; non
multò verò post refluxum, subito multa homi-
num millia submerferit; & in Vrbe Alexandriâ
plurimas naves tectorum illiserit, culminibus.
Memoratur istic à nobis Siculi maris tempestas,
quæ duodecim millia hominum; memoratur
Constantinopolitana, quæ plusquam tredecim
millia, superiori seculo, absumpsit. Non est
quoq;

quoq; silentio tramissa Anglica maris eluvio, quam anno millesimo sexcentesimo septimo ad Bristoliam & loca circumjecta factam præclarus fidei Historicus, & verè nostri temporis Livius, Thuanus describit. Sed imprimis aliquam-mul-tæ afferuntur eluviones, quibus provincias Belgicas, Flandriam, Zelandiam, potissimum verò Hollandiam & Frisiam, Oceanus afflixit: imprimis illa, qua non procul Dordraco septuaginta duos pagos dirum maris barathrum absorpsit.

A mari deinde in fluvios devenimus; angustiora eqvidem Aqvarum regna, sed sæpè & ipsa provincijs multum formidolosa & funesta. Ac furiosum eorum impetum violentiamq;, Potetarum primum coloribus depictam quodammodo dedimus, qui in hoc quasi campo exultantissimè subinde luxuriant, & efficacissimas hinc petere solent similitudines. Quorum en specimen ex Virgilio:

*Non sic aggeribus ruptis cum spumeus amnis
Exijt, oppositasq; evicit gurgite moles,
Fertur in arva furens cumulo, camposq; per omnes
Cum stabulis armenta tulit. —*

Si lubet Statium quoq; audite:

*Ut rapidus torrens, animos celi verna ministrant
Flumina, & exuti concreto frigore colles,
Cum vagus in campos, frustra prohibentibus exit
Objicibus, resonant permixto turbine cæta
Arva, armenta, viri, donec stetit improbus alto
Celle minor, magnosq; invenit in aggere ripas.*

Porro autem illic ab excursu Poëtico reversi,
& singulatim fluviorum eluvia memoraturi à Ti-
beri ordimur, quem Orbis Domina Urbs nullis
repagulis aut objectamentis ita unquam coërce-
re potuit, quin subinde terrorem cladesq; inge-
ntes illis Romuli mœnibus inferret. Damus
ejus rei illustria aliquot specimina ex antiquis no-
visq; Scriptoribus, Livio, Plinio utroq; , Aurelio
Victore, Gvicciardino & alijs. In Germaniã de-
inde Rheni, Albis, in Galliã Seqvanæ, Ara-
ris, Rhodani, Ligeris eruptiones commemo-
ramus.

Tandem verò ex illa per terras longinquas
evagatione domum quasi revertimur, & quid
Regno huic nimia aquarum incrementa damno-
rum identidem dederint, narramus. Refer-
tur scilicet, Boleslao Crivousto illa, cum in Pru-
tenos & Pomeranos arma pararet, remoram
olim injecisse. Eadem sub Lesco Albo, famis
ac pestilitatis non præsagia tantum Polonis, sed
& cau-

& causas extitisse. Tristissimum ab illis sub Bo-
lao Pudico cumulum accessisse magnis & hor-
rendis calamitatibus, quibus tunc Polonia con-
flictata est, Tartaricis imprimis procellis tantum
non in extrema præcipitantibus nobilissimam
provinciarum. Sub Casimiro quoque Tertio;
magno illo Prussiae liberatore, superbum aquis
Vistulam metropoli Regni adeò insultasse, ut
alicubi ad altaria templorum pertingeret. De-
niq; è Poloniâ cum Vistulâ in Prussiam delabi-
mur; ibi finituri, ubi fluvius desinit; & ubi
is, quò ab Ostio suo propius abest, tanto ma-
jores dat turbas, nusquam scilicet voracior, quam
ubi in eo est, ut in mare Balthicum evolvatur.
Non pauca equidem ejus fluminis in his terris
data facinora ex editis Prussorum Chronicis ibi
enarramus: nonnulla etiam ex non editis homi-
num fide dignorum monumentis adjicimus.
Omnia & augenda & limanda accuratius, nisi
vel negotia majora avocârint, vel judicia alio-
rum deterruerint. Non est equidem is cam-
pus, qui vel eloquentiae flosculos capiat vel libe-
riora ingenio explicando aperiat spatia. Indu-
striae duntaxat & judicio aliquantulum in tali-
bus relinquitur loci. Et in ijs scilicet ille opti-
mè officium suum explevit, qui quam plurima

& non sublestæ veritatis monumenta & habuit
& excussit diligenter. Gloriæ quidem ex ta-
libus nihil sperari potest, benè habet, cum ca-
villi effugiuntur. Spernitur etenim plerumq̃;
ejusmodi collectorum labor, & quia non sua
afferat, nihil meruisse judicatur. Sed meo
ipsius sensu parvum id & pertenuè erit, quic-
quid erit opellæ; adeòq̃ ipsâ exilitate suâ fal-
let spero effugietq̃; invidiam. Neq̃; nunc
quidem merebatur, de quo tot facerem verba:
& jure jam incipio vereri, ne ante brevissimam
& pauperrimam cænam magnum nimis fumum
excitasse videamur. Quare & his relictis, &
Orationis ipsius cursu inhibito, metam jam re-
spicio. Finiturus autem haud pulchriorem
colophonem invenire mihi potuisse videor,
quàm si hic vobis, meis verbis, ex Gallico idio-
mate traductam dissertatiunculam Petri Mat-
thæi nobilis Historici subjiciam: qui ubi inun-
dationem Tiberis Anno millesimo quingente-
simo nonagesimo octavo Romæ factam narra-
set, ita porrò philosophatur:

Imputatur, inquit, hæc inundatio Austris,
qui crebris concitis imbribus Tiberim adeò tu-
midum effecerint. Sed cur ea naturalibus po-
tius

tius causis tribuitur, quàm commotæ DEI iracundia, quæ jam olim in universum Orbem ob scelera, nostris vix propè majora, similibus poenis efferbuit? Verè Diaboli artificium est, nos non secus atq; olim Ionam navigantem in nescio quam securitatem soporantis, ne scilicet agnoscamus, nos esse illos, qui motis ejusmodi tempestatibus petantur. Idem nequam Spiritus bonitatis & clementiæ Divinæ ostentatione quasi palpo adulatur nobis, ne tremiscamus, cum prodigia ejusmodi videmus; præcursores verè & quasi venienti Justitiæ divinæ hospitium metantes prodromos. Ille improborum prosperas res, ille adversas bonorum nobis objicit monstratq; , ut conspicati, Solem sceleratis etiam atq; Atheis oriri, & æquè secundo cursu Piratas vehi, quàm qui religionis ergò peregrinationes suscipiunt, malis inde devijsq; judicijs, omnia casui tribuamus & fortunæ. Certè utcunq; intelligamus, odoremur, oculis usurpemus impendentes poenarum ictus, nescio quæ tamen animorum perversitas nos recti sensûs adeò expertes reddit, ut causas calamitatum turbato potiùs naturæ ordini, quàm morum nostrorum dissolutioni adscribere malimus. Tremic Ferraria, Italiae
Urbs,


Urbs, & intra quadraginta horas, centies quadragesies redit terræ trepidantis horror. Haud tamen plaga illa laceffentibus divinam Nemefin corruptæ Urbis vitijs, fed fcilicet fitui Civitatis, ventis fubterraneis, Peninfulæ aquis abundanti, folo porofo & cavernis multis hianti impingitur. Flagellat Africam fames, adeò dira, ut homines beftiæq; , fui generis fanguinisq; vifcera appetant in alimentum. Non tribuitur id Iuftitiæ Divinæ, cœlum æneum flagitiofis hominibus minanti, fed nempè intra ficcitatem & Solis ardores confiftunt illi, qui caufas fcruantur. Pefte depopulabatur Venetias, uligini paludum affignatur malum. Eadem Parifios vafat, incufantur fordes & purgamenta plateis innatantia: Eadem illa Lugduni graffatur, illata dicitur à fartoribus & laneonibus. Gallia tota feditionibus, factionibus, rebellionibus ardet. Scalpit quisq; cerebrum, ut caufas reperiat: nemo flagellum DEI efle confitetur, quo Regna & Republicæ foleant caftigari. Tiberis tanto fe impetu in Romam infuderat, ut metus eflet, ne Urbem fubmergeret, nemo tamen cogitat, enormitate fcclerum excitam calamitatem. Antiqua profectò Roma melius fapiebat. Cæfare bellum Civile ordiente quisq; perversum regimen.


gimen agnoscebat, & Rempupl: Romæ defijſſe
 quærebatur. Veniente illuc Attilâ, probi
 omnes ſeculi ſui detestabilem faciem deplora-
 bant. Accusemus nos quoq; nostri injustiti-
 am impietatemq; ſeculi, & excandescenti Di-
 vinæ justitiæ obviam eamus. Si primi ictus
 non penetrant, non sentiuntur, ultimi delebunt.


Cum ranæ, muscæ, scarabæi, pulices Ægy-
 ptum non emendarent, succelsère im-
 maniores plagæ, & deniq; ex-
 tremæ omnium,
 occidio.




gner agnoscitur, & Rempul. Romae delictis
 dicitur. Venerit illuc Atilia, proci
 omnes sculi sui detestabilem faciem deplora-
 bant. Accusatus nos orop; nostri injulsi-
 am sapientiam; sculi, & exarabentem Di-
 vine justitiae eviam canus. Si primi iclus
 non penetrat, non lenitur, ultimi delibant.
 Cum rana, mulier, leopar, polices Agy-
 ptum non emendarent, succedebant
 maiores plaga, & denique ex-
 tremas omnium,
 occidio.









Bibl Jag

KSIĘGARNIA
ANTYKWARIAT

DOM
KSIĄZKI
DOM

E 735969 E
XXXXXXXXXXXXXXXXXXXXXXXXXXXX



stdr0013635

Biblioteka Jagiellońska

